

道法會元卷之一百八十九

洛二

道法會元卷之一百八十九

洛二

太乙火府奏告心文

見師請降行用心法

凡拜家書差將上壇一應大小行持先請
祖師白陳事意然後以左手掐玉文右手

劍訣义腰丁字立定念下令呪曰

杳杳冥冥天地同生散則成炁聚則成形聞
呼即至有召即臨以今焚香關召直符謝祐
白伸二使者立赴壇前有事指揮疾

右呪畢存二使功曹相貌拱立聽候委役

向來關召符使已到壇前只今仰煩傳此心
香謹謹恭伸奏請

主法至尊混元上德皇帝太上老君道德天
尊太極上相通玄劉真人中天樞相伏魔許
真人披雲清隱上仙揚真人火府傳教諸位

洛二

師真願賜祥光降臨壇席

右祝訖三禮上香密念請師呪曰

心為驛龍香為騎吏上奏三天下攝獄瀆統
領吏兵掌握符籙所啓所願咸賜如言

呪畢存想師真俞允所請事理起身召將

混合任意行用

召呪曰

唵梵吽吽梵應雷轟攝杏鳩盤喇攝天下鬼
神依師敕令唵賀醯居寧多婆醯伽耶疾烏
利陀耶敕敕勒勒疾疾伐伐急急攝

謹召謝祐白伸二符使只今傳香關召火府
都雷總管李元君丘王陳李孔崔周紀劉林
諸大雷神一合下赴行壇聽今委役

右呪畢取中天炁一口咽下丹田祖炁上
衝腎中黑炁三袞上升心宮心宮紅炁下

降腎宮二炁相合上朝泥丸呵吹二炁于
香煙中存想所召雷神自巽至乾來臨壇
所混合如意祇聽委役再念

昊天靈元上帝駕行速赴盟攝雷光令攝逆
令化血天皇伽耶霹靂攝雷神速降攝

洛二

二

右法召將詣壇宣念關引發遣念云

向來關引已具披宣惟爾雷神爲吾傳奏當
職叨膺天爵職掌雷霆心懷濟物利人道在
安民奉化令出弗返務在必行爾諸雷神吾
今遣汝上天
上詣金闕玉京遣汝入地下達

九壘幽扃遣汝入水直造龍庭三界之內日
行萬程有功之日保奏天廷稍有違令律準
女青急急如律令

步三才罡遣

火書

丁立

風起

雷震

焚化所發心奏家書章表師回步立念

遣汝直符徑上三天齋持上達莫損吾笈罡
風灑氣罔敢當前一有違戾立招天譴急急
如律令敕

下今一聲

右呪訖以兩手雷局按二腎閉地戶開天
門出金光想雷神乘金光直衝天漢而去
次以右手劍訣劃空作乂謂之八字開天
次頓足一下叱曰役使符吏敕煞攝想地
戶裂開風火雷電自足下轟發直衝天門
師伏地飛神躬詣祖師几前密告所行之
事靜定以求報應禮謝收神而退

告斗入戶五斗衛靈

師至地戶上立躬身端簡望天門默奏所
行之事默誦七真呪想此處皆為金光世

界中有金樓玉室分明却納下簡步三才
罡左手剔角亢氐房心尾箕于左足下右
手飛斗牛女虛危室壁布于右足下再以
右手飛奎婁胃昴畢觜參于右肩上左手
剔井鬼柳星張翼軫于左肩上左手再點
魁魁魁魁魁于上覆頂五斗光芒輝
映一身又以左手畫開閉留塞訣取中天
炁一口咽下心中及腎府衝動二炁須臾
二炁混合運轉上衝自兩目出化為擎羊
陀羅二使者心炁自口出化為通事舍人

三位倏忽雲中降下於壇如法混合次默
召本府官將祝令在壇伺候奏告然後按
依科法逐一宣揚

然燈決驗

凡入壇然燈必須再拜啓白師真祝曰臣

今奉為某然燈奏告丐為解禳伏望

師尊允今所啓特賜主盟次再拜起立執



然燈符撚取天門金光及斗光斗炁吹布

于上從本命燈上點起或貪狼星起依次

然點再念金光呪及北斗真言取乾亥炁

吁布于燈想光中七星垂象光滿一室與
 天中之斗相合交映光鑒凡誠

入斗三才一理法



右法按四季步斗一座立于三台上跪陳

事由此時須要凝神定息雜念不起身在
太空之中惟覺金光交射內外洞明惟有
真人存焉神融炁定真息綿綿瞬息之間
開目一視天中七星下合一壇光明赫奕
師於此伏地出身中元辰真人上謁

洛二

四

祖師默陳所禱存祖師引領謁見斗君於
大赤金光之中祖師述奏前詞默想斗真
垂覽却靜聽內外有無響應示其報應

飛神謁斗法

師俯伏於地存真人在兆身內次集身中

神盡在黃庭金童玉女引從前後左右有
二真人身駕龍車自脾中出左右捧章二
人捧所陳章表在前自中宮引出西北門
夾道光明日月朗然身離下丹田念下界
魔王章此名欲界也直至心上誦色界魔王章

洛二

五

至十二層樓此名罡風魔王來迎誦无色

界意此名无色界也上至无色界泥丸宮中九皇

各處一宮而坐復見天上七星光燦師以

舌拄上腭化橋一道五藏出五色雲炁五

道乘橋而上橫亘斗中即呼擎羊陀羅通

事舍人畧白事意次見二使從斗中而下
度橋而過入兆泥丸之內後於一室之中
檢較畢復入斗中但見九皇乘雲自橋降
下兆身泥丸倏然相合杳冥之際大赤金
光之中想見祖師引兆及捧章官吏朝見
斗真具奏所事以表通呈上覽表奏此時
正宜物我兩忘以俟祖師請恩判兆姑待
報應如何後身心禮謝而退

躡景禮師法

凡存奏行法事宜一炷香於面前召將宣

告口章三禮畢起結跏趺坐定叩齒二十
四通默念心章役神呪曰

唵唵皆是我吽吽噉噉也是吾如意耶昌耶
昌精耶唵噉吒奉請鎮靈洞天萬象森羅齊
搖法鼓魂魄五王八萬四千身界等衆侍吾
左右吾今識神守志呼召身中五體靈官諸
兵天雷將佐助吾飛神經朝天闕奏陳事意
即達帝御令臣所祈所禱一如所願一如律

令

右呪畢以舌尖虛書開心符

右呪畢俟報應休咎然後誦歸神呪曰
唵吽吒騰穹窿速還入元所疾

右呪後想身中之神復位起身行事宣揚
投水盆符法

凡投符于盆師以左手握斗印右手劍訣

攪水七轉默念呪曰

洛二

七

魁星一轉周天度魁星二轉動乾坤躡星三
轉璇璣運魁星四轉灼星明魁星五轉太虛
耀魘星六轉護人身魁星七轉諸厄散天罡
運轉保長生斗真斗救萬神攝急急如

北斗七光星君律令

呪畢投符于水盆中以尺秤橫架盆上次
以著身衣蓋之存地為金光世界斗真羅
列于上周天星象光芒交射師再默念
天靈節榮呪以希報應

出斗收神法

師奏告畢復元步三台北斗自貪狼星上
出斗吸向來本身所出金光自衆妙門而
咽下丹田當此之時天地廓清寂无遺響

再念呪云

三步九迹天罡地紀吾叔天罡星光復位急
急如太上元降律令

服元皇正炁法

法曰元皇正炁八卦九宮之炁降自九皇
而生萬有也第一陽明星君吐青光之炁

第二陰精星君吐黑光之炁第三真人星
君吐黃光之炁第四玄冥星君吐赤光之
炁第五丹元星君吐白光之炁第六北極
星君吐綠光之炁第七天關星君吐絳光
之炁第八輔星吐碧光之炁第九弼星吐

玄光之炁服炁之法常以四孟之月初九
日平旦時四仲之月十九日中午時四季
之月二十九日夜半時行之一年三十六
過應三百六十度之數以五為盈炁有餘
也行道之時清齋入室燒香精思瞑目閉
炁叩齒九通存見九星端正威嚴侍衛肅
然密誦七星呪一遍但見九炁從星注下
入兆口中俄而吞之細細吐故炁納新炁
勿令耳聞咽畢復叩齒九通倏然俱忘如
此行之九年則得長生神仙形神俱妙與

道合真矣

身中元辰驛馬說

元辰者我之神也驛馬者我之心也夫人之元辰外寄於目內藏於心目則外視於萬物心則內馳於萬機心目所馳神亦奔往故謂之元辰驛馬馳事而不息也人能收心返照內養形神則元辰自見矣

三才一理斗說

夫人一身之中項中泥丸有九宮謂之天谷天之斗居也心有九竅謂之絳宮人之

斗居也下丹田至于兩足地之斗居也故
謂之一身三才一理也

急告表式

具位臣姓某誠惶誠恐稽首頓首再拜

上言臣謹據某貫屬入意不須至表奏者

卷二

九

右臣謹謹上奏

唵唵哩吒吽婆訶

唵巨吽唎吒哪婆訶

唵唵吒囉婆訶

唵伊唎呢婆訶

唵咭唎哪呢婆訶

唵鳴吒嚩咭哪訶

唵呬唎嚩吒咭哪訶 臣恭望

三官昭鑒五帝降靈貪狼延生巨門保命祿
存度厄文曲消災庶貞扶衰武曲散禍破軍

益算輔弼衛身名登金闕玉籍彰明青篇注
善黑簿消冤千愆萬過咸乞

赦原吉凶悔吝伏候

昭報但臣誠惶誠恐稽首頓首下情無任不


勝戰慄候

命之至謹奏

年 月

日具位臣姓某 表奏

通章符



祝曰

北斗通章中天九皇內有一星化朱律王吾

今召請願降壇場急急如尊帝星君律令

又呪

唵吒嚩唎唎哪吽嗽斗轉星移神龍敕
魁魁魘魘魁魁魘身轟滑辣究竟敕

右章法用黃紙高七寸長九寸朱書單行
言少意盡束封訖以降香七片排列北斗

洛二

十

一座於香爐內焚之於此飛神謁斗請占

吉凶之兆

斗母誥命

具位臣姓某誠惶誠恐稽首頓首再拜


上言臣謹據某入事意不要臣領詞虔切

已經告行

元降勘合信符請頒

恩命須至告

聞者



萬炁祖母混元宗根施化神光明顯玄靈天
罡玉女隨炁來臨九天敕命策役萬神

唵哪吒吽娑訶攝

右臣恭準

道母元降玉符謹錄上告

中天北斗九皇延生星君 聖前恭望

聖慈允今懇禱特頒

洛二

十一

睿旨宣告十一列曜星宮二十八宿度分行
年太歲運限神君東嶽司命上卿本境城隍
社令咸賜解釋宿生今世冤愆罪業特與增
注福齡勾祈降注

元皇正炁灌入某身中消除疾苦保佑命年

仍祈
敕命天醫官將治病功曹火府法中將吏同
垂降下患家流光布炁輔正除邪攝滅妖精
保禳災厄治療病苦即獲安痊實拜更生克
符願念干冒

聖威臣下情無任俯伏俟

命之至一如


誥命

年 月 日 時告行

具位 臣 姓 某 承誥奉行

祖師太清仙境混元上德皇帝道德天尊

起金光裹符



解厄遷轉

師於請光度厄後却與行遷星轉煞之法
其法存自身為北帝居斗口金光之間左
手斗印蓋頭右手劔訣叉腰就轉身三五
匝想此處天旋地轉却密念

天轉地轉星移斗轉萬禍千災永不相見
唵俱胝帝賒蘇吒訶惹密吒俱耆吒婆賴帝
吒耶微惹吒鳴都吒耆摩吒薩娑訶

右呪乃九天靈音七星祕旨誦之則天星
地煞悉從命令降斗入斗亦誦此呪

洛二

十二

斗中受醫

師存斗母天后在上九皇星君擎羊陀羅
儼然却想引領信人同在斗光中見星君
吐玉色琉璃光炁灌入本人泥丸宮中存
患身如琉璃內外瑩徹當此時際師亦自

覺內外如一靈津滿口甘香但覺祥風慶
雲藹然如春却以天醫符斗母符化于淨
茶或棗湯內與病者服之隨患治療任用

七真祕諱

貪狼尊星字露神子名嗚唵嚩帝司子

巨門尊星字圓文子名嗚唵唎圓門子

祿存尊星字衛府子名嗚唵嚩會孫子

文曲尊星字施惠子名嗚唵慢子惠子

廉貞尊星字子衡子名嗚唵吒衛剎子

武曲尊星字太車子名嗚唵嗒子露子

破軍尊星字太賓子名鳴唳哪大影子

占天象決吉凶

凡未告斗之先斗星不現行壇奏告之時
倏然皆現此之吉兆或獨見貪狼星士人
得之則陞擢或只現本命星士人得之顯


洛二

十三

達庶人得之大吉占病則安或紫炁及細
霧降得之吉信人福壽或天時大雨黑暗
奏告時現一二星主門戶清吉孕生貴子
病者得安或見紫白黃雲炁貫斗者吉黑
雲穿斗凶未告之先斗星現臨事之際暗

而雨雪皆不利或未告之前暗昧奏告之時雲霧不開凡事遲滯又奏告時斗星見後雲掩士人得則榮達事如意疾則安

通奏開天符



遺法會元卷之一百八十九



